



Aningaasaqarnermut, Aatsitassanut, Inatsisit
Atuutsinneranut Naligiissitaanermullu
Naalakkersuisoq

Ulloq: 01-02-2022
J.nr.: 01.31.06/22-00971

Aningaasaqarnermut Akileraartarnermullu ataasingornermi ulloq 31. januar 2022-imi aalajangiineranik Naalakkersuisunut ilisimatitsineq

Ikorsiissutinik marlunnik pilersitsineq: "Ukiuunerani ikorsiissutit" aammalu "50-init ikorsiissutit". Ataatsimiititaliap suliaa nr. 01.31.06/22-00971.

" Naalakkersuisut inassutigaat,

- imigassanik aalakoornartortalinnik sassaalliteqartartunut assigisaannullu ammasarfiiit allangortinneqarneratigut killilersuuteqartoqarneratigullu sunnerneqartunut kiisalu piffissami killiligaasumik imigassanik aalakoornartortalinnik tuniniaaqquisoqannginnerani eqqugaasunut ikorsiissutinik "Ukiuunerani ikorsiissutit"-nik taasanik malittarisassanillu pilersitsisoqarnissaa.
- Inuussutissarsiornermut Niuernermullu Naalakkersuisoq malittarisassanik allangortoqassagaluarpat Ukiuunerani ikorsiissutinut akuersissutigineqartut iluini nalimmassaasinnaatitaanissaa.
- illoqarfinni nunaqarfinnilu suliffeqarfinnut killilersuisoqarnerani eqqugaasunut ikorsiissutinik "50-init ikorsiissutit"-nik taasanik malittarisassanillu pilersitsisoqarnissaa.
- Inuussutissarsiornermut Niuernermullu Naalakkersuisoq malittarisassanik allangortoqassagaluarpat 50-init ikorsiissutinut akuersissutigineqartut iluini nalimmassaasinnaatitaanissaa.

Akuersissutit kontomi pingaarnermi 20.10.34-imi akuersissut "Coronavirus tunngavigalugu immikkut ittunik iliuusissat" 50 mio kr.-inik qaffanneqassasoq."

Aningaasaqarnermut Ataatsimiititaliap oqaaseqaatai apeqqutaalu

Kontomi aningaasaliissuteqaqqinnissap qanoq aningaasalersorneqarnissaanik Naalakkersuisut kissaataannik pinngitsoorani ilaqartinneqartussaammat Aningaasaqarnermut Ataatsimiititaliamit aallarniutigalugu oqaatigineqassaaq. Tamanna pisinnaavoq kontomi allami aningaasaliissutinik ikillilerinikkut imaluunniit IST-mi angusassatut missingersuutit ajorseriartinnerisigut. Atortussanik nassiunneqartunit tamanna allassimangimmat Aningaasaqarnermut Ataatsimiititaliamit malugeqquneqarpoq. IST-mi angusassatut missingersuutit ajorseriartinnerisigut ikorsiissutit

aningaasalersorneqarnissaat Aningaasaqarnermut Ataatsimiititaliamit ilimagineqarpoq. Tamanna Aningaasaqarnermut Ataatsimiititaliamut uppernarsaqqullugu Naalakkersuisut qinnuigineqarput.

1. Kiisalu missingersuusiornermut malittarisassani immikkoortoq 4.3-mi allassimavoq Naalakkersuisut isummernissaannut tunngavissiami allassimassasoq isummernissamut tunngavissiaq Aningaasaqarnermut Naalakkersuisoqarfimmut kiisalu Naalakkersuisoqarfimmut allanut tusarniutigineqarsimasoq. Taamatuttaaq allassimassaaq oqaaseqaatigineqartut ilanngunneqarsimasut. Taamaattumillu tusarniaanermi oqaaseqaatit suut tiguneqarsimanerat oqaaseqaatillu taakku qanoq ilanngunneqarsimanerat pillugu akissut Aningaasaqarnermut Ataatsimiititaliamit qinnutigineqarpoq.
2. Najoqqutassiat Sulisitsisunut Nuummilu Niuertut Peqatigiiffiannut saqqummiunneqarsimasut Naalakkersuisut isummernissaannut tunngavissiami allassimavoq. Taamatut saqqummiussineq qanoq inerreqarpa?
 - a) Taamatut saqqummiussineq najoqqutassianut sunniuteqarsimava?
 - b) Kattuffiit/peqatigiiffiit allat aperineqarnissaat naleqqussimassagaluarpa?
 - i. Sooq taakku aperineqarsimanngillat?
3. Konto 20.10.34-mi 10 mio. kr.-inik aningaasaliissuteqaqqinnissaq Naalakkersuisunit kissaatigineqarpoq. 10 mio. kr.-eqqissaalli sooq qinnutigineqarnersut tunngavilersorneqarsimanngilaq. Taamatut taggiinermut suna tunuliaqutaava?
4. 2020-mi 2021-milu COVID-19 pillugu ikiorsiissutitut kontuni attuumassutilinni atuineq Aningaasaqarnermut Ataatsimiititaliamit siusinnerusukkut apeqqutigineqarpoq. Ikiorsiissutinik taakkuninnga pissarsisimasut kiisalu taakkuninnga atuineq pillugit takussutissiamik nutartikkamik nassiusseqqullugit Naalakkersuisut qinnuigineqarput.

Naggasiullugu Aningaasaqarnermut Ataatsimiititaliamit oqaatigineqassaaq ataatsimiititaliap suliaa 01.31.06/21-970 ("Neriniartarfiuteqarnermik inuussutissarsiuteqartunut, kiffartuussinermik inuussutissarsiuteqartunut timersortarfimmut, katersortarfimmut il.il. ikiorsiissutit nutaat") naapertorlugu ataatsimiititaliap apeqqutai kingullit Naalakkersuisunit akineqanngimmata. Taakku sapinngisamik piaarnerpaamik kinguarsaanertaqanngitsumillu akineqarnissaat ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut oqaaseqaateqarluni apeqquteqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Ataatsimiititaliaq sinnerlugu



Jens Napaattoq

Aningaasaqarnermut Akileraartarnermullu Ataatsimiititaliap siulittaasua

2/2